



*fundashon***prevension**

- ✓ **PREVENÍ**
- ✓ **TA MIHÓ**
- ✓ **KU KURA**


INFORMASHON ADISHONAL

Pa mas informashon tokante e programa di skrinen por tuma kontakto ku Fundashon Prevension.

Tel: **4623380** òf **0800 1811** (liña gratis)
Facebook: fundashonprevension
www.fundashonprevension.com

3-fold bowel screening_PAP_202010

PROGRAMA DI SKRINEN: KANSE DI TRIPA



*fundashon***prevension**

KIKO TA NIFIKÁ SKRININ DI KANSER DI TRIPA?

Esaki ta un investigashon médiko gratis. Serka un grupo di persona sin ningun síntoma por detektá un enfermedat den un fase hopi tempran. Hasi e tèst di sushi na kas i hib'é laboratorio preferibel mesun dia. Ku e muestra aki Laboratorio ta saminá si tin sanger den bo sushi. Sanger den sushi por tin di haber ku tin polip den bo tripa. E investigashon tin su benta-ha i desbentahanan. Bo mes ta disidí si bo ke partisipá. E foyeto aki ta pa yuda bo disidí.

PAKIKO MESTER HASI UN SKRININ DI TRIPA?

Tur aña ta detektá mas o menos 100 hende ku kanser di tripa na Kòrsou. Ku e investigashon bou di nos pueblo nos por deskubrí polip den tripa. E polipnan aki ainda no ta kanser, pero nan por desaroyá bira kanser si. Tratamentu di e polipnan lo ta mas eksitoso i tambe menos intensivo. Unikamente si nos opera i kita nan, por evitá ku nan por bira kanser.

KEN POR PARTISIPÁ?

Hende hòMBER i hende muhé entre 50 i 75 aña.

KEN NO POR PARTISIPÁ?

E persona ku ta bou di tratamentu pa kanser di tripa serka un spesialisista, gastro-enterólogo. E persona ku ta haña tratamentu pa e malesa di Crohn òf Colitis.

RESULTADO DI TÈST DI SUSHI

Denter di un siman bo dòkter di kas lo haña bo resùltado. Fundashon Prevencion lo yama bo si bo mester hasi un tèst mas avansá.

Tin 2 posibilidat:

1. No a detektá sanger den bo sushi. Bo ta bolbe haña un invitashon pa tuma un muestra di sushi despues di 2 aña.

2. A detektá sanger den bo sushi; esaki por tin di haber ku polip òf kanser di tripa. Pa e motibu aki mester di un investigashon mas profundo i saminá e parti paden di bo tripa. Esaki ta un colonoscopia ku ta mira den e tripa ku un kolonoskopio pa determiná kiko ta kousando e sanger den e sushi. Fundashon Prevencion ta tuma kontakto kubo.

No kanselá bo sita, si bo tabatin un sita serka e spesialisista gastro-enterólogo, na hòspital CMC.

E resultado di e investigashon no ta un garantia di 100%. Ta p'esei semper lo keda e posibilidat ku dòkternan lo no deskubrí e kanser di tripa.

BISHITA BO DÒKTER DI KAS

- Si bo ta mira sanger den bo sushi.
- Si bo tin sera di kurpa pa un tempu kaba.
- Bo ta perdiendo peso òf apetito.
- Of si bo tin diarea sin kousa klaritu.

KUANTU E TÈST TA KOSTA?

E tèst ta gratis pa tur hende registrá na Kranshi i ku tin un seguro básiko òf karta di garantía.

